

**Testo LA STAFFETTA
(AI MASSACRATORI DI POPOLO)**

Cu ti lu misi 'n testa,
cu ti lu fici fari,
cu ti la misi a vesta
di veru criminali?

Cu è ca ti lassau
tramari di luntanu,
cu è ca cummughiau
lu tò trimennu pianu?

La guerra ca camina
nta la to stissa genti
senza ca nuddu prima
ci potti fari nenti.

Cu è ca t'aiutau,
dimmillu a vuci fina,
non si po' fari sulu
la guerra all'Ucraina.

Qual è la vera riti,
non cridu ca sì pazzu,
ca cu Zelenski aviti
lu beccu nta stu jazzu.

Tantu ca s'havi a spartiri
lu beni di sta terra
ed è pi chistu Putin
ca ora fai la guerra.

Lu covid la staffetta
lu scettru ti passaru,
tu divintasti in fretta
d'u munnu macillaru.

Lu covid la staffetta
nta na simana appena
ti la passau pifetta
e a tia ti fici jena.

Zelenski cala a maschera
quant'è ca t'hai vuscatu

pi mettiri la patria
nte manu di la Natu?

Quantu custò u tò ciancu
a Europa e Stati Uniti
ca a tia ti tennu bancu
pi tessiri li riti?

Su' trentatrè dinari,
non fari lu Cainu,
tu 'a vita poi sarbari
'o populu ucrainu.

Arrenniti Zelenski
e calati la schina
ca si la Russia perdi
d'arrieri c'è la Cina.